

Broj: 09-14-6-2569-9/18
Sarajevo, 06.06.2018. godine

Na osnovu člana 70. st. (1) i (3) Zakona o javnim nabavkama („Službeni glasnik BiH”, broj: 39/14), a na prijedlog Komisije za javne nabavke, imenovane Rješenjem, broj: 03-05-1-1669/18 od 13.03.2018. godine, federalna ministrica financija/finansija **d o n o s i**

ODLUKU
o izboru najpovoljnijeg ponuđača za nabavku roba
nabavka i ugradnja unutrašnjih zastora za potrebe
Federalnog ministarstva financija/finansija

I

U cilju odabira najpovoljnijeg ponuđača, nakon provedenog konkurentskog zahtjeva za dostavu ponuda u postupku javne nabavke roba – nabavka i ugradnja unutrašnjih zastora za potrebe Federalnog ministarstva financija/finansija, kao najbolje ocijenjena prihvatljiva ponuda je ponuda ponuđača:

ŽALUZINE STYLE d.o.o. Zenica, sa konačnom cijenom ponude, nakon okončane e-aukcije, u iznosu 11.450,00 KM bez PDV-a.

II

Ponuda ponuđača iz tačke I ove odluke ocijenjena je prihvatljivom, jer ispunjava sve uvjete postavljene tenderskom dokumentacijom, a u skladu sa kriterijem za dodjelu ugovora, te nakon okončane e-aukcije, ponuđač je ponudio najnižu cijenu.

III

Za realizaciju ove odluke zadužuje se Sektor za ekonomsko - finansijske i zajedničke poslove ovog Ministarstva.

IV

Odluka stupa na snagu danom donošenja i objavit će se na web stranici Federalnog ministarstva financija/finansija, u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

Obrazloženje

Postupak nabavke pokrenut je Odlukom o pokretanju postupka, broj: 09-14-6-2569/18 od 13.04.2018. godine. Javna nabavka provedena je putem konkurentskog zahtjeva za dostavu ponuda. Procijenjena vrijednost nabavke iznosila je 25.000,00 KM bez PDV-a i predviđena je Planom javnih nabavki za 2018. godinu Ministarstva, dio I Robe, pod rednim brojem 1. – nabavka i ugradnja unutrašnjih zastora. Obavijest o nabavci 810-7-1-34-3-3/18 poslana je na objavu 04.05.2018. godine, te je zajedno sa tenderskom dokumentacijom, broj: 09-14-6-2569-1/18, istog dana objavljena na portalu Javnih nabavki.

Tendersku dokumentaciju preuzelo je 11 privrednih subjekata, a 4 (četiri) ponuđača dostavili su ponude u predmetnom postupku nabavke. Sve ponude dostavljene su blagovremeno. Ponude su dostavili sljedeći ponuđači: Žaluzine Style d.o.o. Zenica, Bosna - Kom d.o.o. Gračanica, Inter-com d.o.o. Zenica i Mikado d.o.o. Sarajevo.

Komisija za javne nabavke, imenovana Rješenjem, broj: 03-05-1-1669/18 od 13.03.2018. godine, izvršila je pregled i evaluaciju svih pristiglih ponuda, te konstatovala da su od ukupno 4 (četiri) zaprimljene ponude, u konačnoj ocjeni ponuda 2 (dvije) ocijenjene kao prihvatljive, a 2 (dvije) odbačene kao neprihvatljive. Prihvatljivim su ocijenjene ponude ponuđača: Žaluzine Style d.o.o. Zenica i Bosna – Kom d.o.o. Gračanica.

Ponuda ponuđača Inter – com d.o.o. Zenica, sa registriranim sjedištem u ul. Vrandučka 71b, 72000 Zenica, ID broj: 4200575050003, odbačena je kao neprihvatljiva iz sljedećeg razloga:

U tački 5.2. podtačka c) tenderske dokumentacije traženo je od ponuđača, da u svrhu dokazivanja tehničke i profesionalne sposobnosti, dostavi spisak najmanje jednog uredno izvršenog ugovora u prethodne tri godine ili od datuma registracije, odnosno od početka poslovanja, ako je ponuđač registriran odnosno počeo s radom prije manje od tri godine, a čiji su karakter i kompleksnost slični onima koji se odnose na predmetnu nabavu, uz Potvrdu druge ugovorne strane o njihovoj uspješnoj realizaciji. Potvrda u skladu sa članom 48. Zakona, mora sadržavati sljedeće podatke: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. Ponuđač Inter – com d.o.o. Zenica dostavio je Potvrdu o poslovnoj saradnji, broj: 2/17 od 30.05.2017. godine. Potvrda ne sadrži podatak o vremenu i mjestu izvršenja ugovora. Također, predmetna Potvrda je ovjerena pečatom privrednog subjekta Gate of company d.o.o Sarajevo, a na mjestu predviđenom za potpis, Potvrda je potpisana od strane iste osobe, koja je parafirala i Ponudu, tako da Komisija nije prihvatila ovaj dokaz, u smislu dokazivanja tehničke i profesionalne sposobnosti ponuđača.

Ponuđač Mikado d.o.o. Sarajevo, sa registriranim sjedištem u ul. Braće Mulić, br. 65, 71000 Sarajevo, ID broj: 4200062260002, dostavio je Potvrdu, broj: 139/AD/2018 od 11.05.2018. godine. Također, Potvrda ne sadrži podatak o vremenu izvršenja, ali je iz dostavljenog Ugovora, potpisanog između ponuđača Mikado i Oki d.o.o. Sarajevo, Komisija utvrdila da je nabavka bila u 2013. godini, a za dokazivanje tehničke i profesionalne sposobnosti ponuđači su trebali dokazati, da je ugovor uredno izvršen u prethodne tri godine.

Nakon izvršenog pregleda i evaluacije pristiglih ponuda, Komisija je dostavila federalnoj ministrici financija/finansija Zapisnik o pregledu i ocjeni ponuda, broj: 09-14-6-2569-8/18 od 01.06.2018. godine zajedno sa Preporukom o izboru najpovoljnijeg ponuđača Žaluzine style d.o.o. Zenica, sa registriranim sjedištem u ul. Kočeva br. 35, Zenica, ID broj: 4218635210001.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno postavljenim uvjetima iz tenderske dokumentacije i kriterijem za dodjelu ugovora najniža cijena.

U postupku ocjene provedenog postupka, federalna ministrica nije našla razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, svaki ponuđač koji je učestvovao u postupku nabavke, može izjaviti žalbu Uredu za razmatranje žalbi putem ugovornog organa - Federalnog ministarstva financija/finansija, u pisanoj formi direktno, elektronskim putem ili preporučenom poštanskom pošiljkom, u roku od 5 (pet) dana od dana prijema ove odluke. Zalba se podnosi u najmanje 3 (tri) primjerka.

Dostaviti:

1. Svim ponuđačima u postupku
2. U dokumentaciju Komisije
3. Sektoru za ekonomsko - finansijske i zajedničke poslove
4. a/a

